



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

7. Miseriæ caussa sunt, vt è vita libenter excedant homines, exemplo P. Francisci Costeri.

**urn:nbn:de:hbz:466:1-45701**

briat. Felices illi, & ipsi rari, qui familiaritatem eius recusant, perfunctoria gaudia spernunt, societatem abiciunt, ne cum pereunte deceptrice, & ipsi perire cogantur. Inter quos fuit monachus ille

Io: Climach. in scala cæli. grad. 6.

Ægyptius, qui Ioanni Climacho narravit, se, cum in intimo cordis mortis memoriam penitus fixisset, velletq; aliquando, neceßitate urgente, carnis huius luto solatiq; aliquid indulgere, ab huiusmodi memoria, veluti à quodam judice prohibitum esse. Quodque mirabilius est, cum vehementer vellet hanc memoriam repellere à se, non potuit. Adeò profuit ad mundi illecebras, carnisque fomenta negligenda, vel memoria mortalitatis, & humanarum calamitatum, qua omnes morte finiuntur.

## VII.

Psal. 319. 5.  
Rom. 7. 24.

Psal. 141. 8.  
Psal. 41. 3.  
Ex cap. 13.  
triplicis co-  
ronæ B. V.  
tract. 3. P.  
Francisci  
Poiræi.  
Psal. 90.

Hæc vitæ ærumnosæ incommoda, qui secum expendunt, numquam de vitæ breuitate conqueruntur: immò potius ægrè ferunt mortis dilationem, quemadmodum illi, qui diu in ergastulo detinentur; quos quò citius liberos dimittis, eò clementius tractas. Heu mihi, quia incolatus meus prolongatus est! clamat è carcere suo Propheta. Et Apostolus: Infelix ego homo, quis me liberabit de corpore mortis huius? Quale gaudium est nauigantium ad optatum portum appellentium? atque è sauentis Oceani procellis emergentium? Quis murmurat, cum onus graue, sarcinamque molestā jubetur deponere? Quid ergo homines muscant, si id impetrant, pro quo ille orauit, qui dixit: Educ de custodia animam meam? itemque: Quando veniam & apparebo ante faciem Dei? P. Franciscus Coflerus, cum SS. Sacramentis ad agonem muniretur, identidem exclamabat: ô quale gaudium! ô qua consolatio! Post ea peracta legi sibi Psalmum voluit: Qui habitat, in quo admiranda facinora diuina prouidentia enumerantur, in eos edita, qui ei se totos permisissent. Post eius Psalmi singulos versus affirmabat, singula sibi ordine ita obtrigisse, ut erant illic expressa. Cum ventum ad illa verba fuisset: Longitudine dierum replebo eum: Et hoc, inquit, apud me locum habet; Dei enim singulari beneficio octoginta & octo annis vixi, nullo unquam morbo tentatus. Ad extrema versus illius verba: Et ostendam illi salutare meum: Hoc, inquit, unum restat; quod modo expecto. Cumq; astantium aliqui adderent, sperare se, hoc supremum beneficium ad cumulum ei teterorum accessurum: Non dubito, respondit. Ita felix Dei seruum obiit, sancta hilaritate, ac fiducia salu-

tis,

rie, Matris dulcissima fructu ac interuentu partæ, plenus. Octoginta quidem octo annis se vixisse in beneficio habuit, & quidem nullo umquam morbo tentatum, quia ita diuinam gloriam poterat impensis propagare; sed tamen vel sic doluisse se indicat, quod incolatus eius esset propagatus. Alioquin enim profectò, de corpore, in quo tam diu habitauit, exiturus non dixisset, ò quale gaudium, ò qua consolatio! sed vitæ jacturam deplorasset.

Quid, quod vel Ethnici, ob has mortalium miseras, vitæ breuitatem inter naturæ beneficia numerauerunt? De qua vita cùm Plinius loqueretur, adjecit: *Incertum ac fragile nimirum est hoc munus naturæ, quidquid datur nobis: malignum verò & breve,* Plin. lib. 7.  
nat. hist.  
cap. 50.

*etiam in ijs, quibus largissimè contingit, uniuersum utique eum tempus intuentibus. Quid quod estimatione nocturna quietis, dimidio quisq;  
spatio vita sua visus? Pars aqua morti similis exigitur, aut pœna, nisi contingit quies. Nec reputantur infantia anni, qui sensu carent, non senecta in pœnam vivacis. Tot periculorum genera, tot morbi, tot me-  
tus, tot cura, toties innocata morte, ut nullum frequentius sit votum.*

*Natura verò nihil hominibus breuitate vita præstítit melius. Hebecunt sensus, membra torpent, præmoritur visus, anditus, incessus, dentes etiā ac ciborum instrumenta, & tamen vita hoc tempus annumeratur. Immò optatur, quia amatūr ab ijs, qui nihil in futura vita sperat, sed aliquid formidant. At verò homini ea, quæ recensuimus, par-  
tim oculis, partim animo contemplanti, perbeati illi videntur, qui ex hoc ærumnarum humanarum & miseriārum pelago ad eū portum, Deo auspice, cælestibusque bene juuantibus aspirant: quod qui perueniunt, placidissimè conuiescunt, procul à graui-  
bus illis, quas ostendimus, corporum animorūmq; jactationi-  
bus, procul à procellis, & tempestatibus, procul ab omnibus vitæ  
salutisque discriminibus secreti atque disiuncti. Senecam audia-  
mus. *Omnia, inquit, ista bona, qua nos speciosi, sed fallaci voluptate  
delectant, pecunia, dignitas, potentia, aliaq; complura, ad qua generis  
humani caca cupiditas obstupefit, cum labore possidentur, cum inuidia  
conspiciuntur: eosque ipsos, quos exornant, & premunt: plus minantur,  
quam profundunt. Lubrica & incerta sunt: numquam bene tenentur. Nam  
ut nihil de tempore futuro timeatur, ipsa tamen magna felicitatis tu-  
tela solicita est. Si velis credere altius veritatem intuentibus, omnis vi-**

## VIII.

Seneca in  
Consolat.ad  
Polybium.  
cap. 28.